

**ლანჩხუთის მუნიციპალიტეტის საკრებულოს სივრცით-ტერიტორიული
დაგეგმარებისა და ინფრასტრუქტურის კომისიის
სხდომის ოქმი N7**

ქ. ლანჩხუთი

20.11.2025 წელი

15:00 საათი

სხდომას ესწრებოდნენ: საკრებულოს სივრცით-ტერიტორიული დაგეგმარებისა და ინფრასტრუქტურის კომისიის სხდომის თავმჯდომარე გიორგი იმნაიშვილი.

კომისიის წევრები: თენგიზ ურუშაძე, ვარლამ ჩხარტიშვილი, ლოლიტა ურუშაძე, გელა პატიეშვილი, ბესიკ კვაჭანტირაძე, ჯუმბერ ზლაგიძე, სპარტაკ კვაჭაძე, ზაზა წულაძე.

მოწვეული სტუმარები: მერიის საფინანსო-საბიუჯეტო სამსახურის უფროსი როლანდ ლაშხია, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი ნინო ებრაღიძე.

სხდომის თავმჯდომარემ, გიორგი იმნაიშვილმა, სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვის შესახებ.

/მომხსენებელი: გიორგი იმნაიშვილი/

2. სხვადასხვა.

სხდომის თავმჯდომარემ, გიორგი იმნაიშვილმა კენჭი უყარა დღის წესრიგის პროექტს.

მომხრე: 9 წინააღმდეგი: არცერთი

დღის წესრიგის პირველი საკითხი: „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვის შესახებ ისაუბრა მერიის საფინანსო-საბიუჯეტო სამსახურის უფროსმა როლანდ ლაშხიამ. მან აღნიშნა, რომ საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას. ლანჩხუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე. საქართველოს ცენტრალური ხელისუფლების მიერ 2026-2029 წლების ძირითადი ეკონომიკური და ფინანსური ინდიკატორების საბაზო მაჩვენებლების შესაბამისად (2026 წლის სახელმწიფო ბიუჯეტის შესახებ კანონპროექტის თანდართული მასალები). მუნიციპალიტეტის 2025 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური

კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155¹ მუხლის 2-ე პუნქტის მოთხოვნებს.

2026 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 22056,0 ათას ლარს შეადგენს.

2026 წელს საგადასახადო შემოსავლების პროგნოზი გადასახადების სახეების მიხედვით შემდეგია:

-დამატებული ღირებულების გადასახადის საპროგნოზო მაჩვენებელი განისაზღვრა 16058,0 ათასი ლარით;

2026 წლის გეგმიურ მაჩვენებელთან შედარებით დღგ გაზრდილია 7,0 %-ით (1057,7 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

ქონების გადასახადის საპროგნოზო მაჩვენებელი შეადგენს 2200,0 ათას ლარს;

2026 წლის დამტკიცებულ გეგმასთან შედარებით ქონების გადასახადი 600 ათასი ლარით არის გაზრდილი, რაც გამოწვეულია უცხოურ საწარმოთა ქონების გადასახადის გაზრდით.

გრანტების სახით დაგეგმილი მაჩვენებლები განისაზღვრება 486 ათასი ლარით, მათ შორის:

2025 წლის გეგმიურ მაჩვენებელთან შედარებით გრანტები 25,9% ით ლარით გაიზარდა. მიზნობრივი გრანტი 486,0 ათ ლარი

2026 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:

შემოსავლები საკუთრებიდან განსაზღვრულია 540,0 ათასი ლარის ოდენობით, მათ შორის:

რენტა 490,0 ათასი ლარი;

პროცენტები 50 ათასი ლარი.

2025 წლის გეგმიური მაჩვენებელი 100 ათასი ლარით შემცირებულია, რაც გამოწვეულია პროცენტების შემოსავლის შემცირებით.

შემოსავლები საქონელისა და მომსახურების რეალიზაციიდან განსაზღვრულია 72,0 ათასი ლარის ოდენობით, მათ შორის:

სანებართვო მოსაკრებლები 20,0 ათასი ლარი;

მოსაკრებელი დასახლებული ტერიტორიის დასუფთავებისათვის 12,0 ათასი ლარი;

არასაბაზრო წესით გაყიდული საქონელი და მომსახურება 40,0 ათასი ლარი;

აღნიშნული შემოსავლები 2025 წლის საპროგნოზო მაჩვენებლებთან არის შესაბამისობაში.

შემოსავლები სანქციები, ჯარიმები და საურავებიდან განსაზღვრულია 2500,0 ათასი ლარის ოდენობით, მათ შორის:

2025 წლის გეგმიურ მაჩვენებელთან შედარებით შემცირებულია მოსალოდნელი შესრულების გათვალისწინებით.

ტრანსფერები რომელიც სხვაგან არ არის კლასიფიცირებული (შემოსავალი ხელშეკრულების პირობების დარღვევის გამო დაკისრებული პირსაგამტებლოდან) 100,0 ათასი ლარი

არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 100,0 ათასი ლარს;

ამავდროულად ბიუჯეტი ითვალისწინებს ვალის დაფარვას 29,1 ათასი ლარის ოდენობით. მუნიციპალიტეტის ბიუჯეტის გადასახდელები

მუნიციპალიტეტის ბიუჯეტის გადასახდელების მოცულობა შეადგენს 27541 ათას ლარს.

აღნიშნული ზრდა გამოწვეულია მომსახურების ხარჯების ზრდით.

პრიორიტეტების მიხედვით გათვალისწინებულია:

ინფრასტრუქტურის განვითარება - 5770,3 ათასი ლარი; მათ შორის:

საგზაო ინფრასტრუქტურის განვითარება - 715,0 ათასი ლარი;

წყლის სისტემების განვითარება - 572,0 ათასი ლარი;

გარე განათება - 850,0 ათასი ლარი;

კეთილმოწყობის ღონისძიებები - 1312,0 ათასი ლარი;

საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრილია 750,0 ათასი ლარი;

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის შესყიდვის ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

სოფლის პროგრამის მხარდაჭერა 300 ათასი ლარი

ოჯახების სოციალურ - ეკონომიკური გაძლიერების მხარდაჭერის პროგრამა - 100,0 ათასი ლარი

დასუფთავება და გარემოს დაცვა განისაზღვრა - 3275,0 ათასი ლარი, მათ შორის:

დასუფთავება და ნარჩენების გატანა - 2880,0 ათასი ლარი

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

მწვანე ნარგავების მოვლა-პატრონობა, განვითარება - 375,0 ათასი ლარი

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში მოხდება ქალაქ ლანჩხუთში მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების მოვლა-პატრონობა.

უპატრონო ცხოველების მოვლითი ღონისძიებები - 20,0 ათასი ლარი;

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

განათლება - 5560,0 ათასი ლარი, მათ შორის:

სკოლამდელი განათლება - 5500,0 ათასი ლარი;

განათლების ხელშეწყობა - 60,0 ათასი ლარი

კულტურა, ახალგაზრდობა და სპორტი - 5525,3, ათასი ლარი მათ შორის:

სპორტის განვითარების ხელშეწყობა - 2690,0 ათასი ლარი;

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს ლანჩუთის მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებსაც.

კულტურის განვითარების ხელშეწყობა - 2800,3 ათასი ლარი;

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მუზეუმისა და კულტურის ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული და დასვენების ობიექტის ფინანსური მხარდაჭერა, განხორციელდება სხვადასხვა კულტურული ღონისძიებები, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

ახალგაზრდობის მხარდაჭერა - 35,0 ათასი ლარი;

პროგრამის ფარგლებში დაგეგმილია ახალგაზრდების ინიციატივებით წარმოდგენილი სხვადასხვა პროექტების განხორციელება და სხვა.

ჯანმრთელობის დაცვა და სოციალური უზრუნველყოფა - 1855,0 ათასი ლარი, მათ შორის:

საზოგადოებრივი ჯანმრთელობისა და უსაფრთხო გარემოს უზრუნველყოფა 310,0 ათ ლარი

სოციალური პროგრამები - 1545,0 ათასი ლარი; გათვალისწინებულია შემდეგი პროგრამების

მმართველობა - 6726,7 ათასი ლარი, მათ შორის;

საკრებულოს დაფინანსება - 1669 ათასი ლარი;

მერია - 4648,6 ათასი ლარი;

სარეზერვო ფონდი - 70,0 ათასი ლარი;

სსიპ მუნიციპალური განვითარების ფონდისთვის დასაფარავი თანხა და ვალის მომსახურება 34,1 ათასი ლარი, მათ შორის - ძირი 29,1 ათასი ლარი და პროცენტი - 5 ათასი ლარი.

წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 5,0 ათასი ლარი

ტურიზმის განვითარების ხელშეწყობა - 300,0 ათასი ლარი.

წარმოდგენილი 2026 წლის ბიუჯეტის განკარგულების პროექტთან დაკავშირებით კომისიის წევრების მიერ გამოითქვა გარკვეული შენიშვნები. კერძოდ:

დეპუტატმა ჯუმბერ ბლაგიძემ აღნიშნა: 1. სუფსის ტერმინალი რომელიც დღეის მდგომარეობით არის აზერბაიჯანული კომპანიის „სოკარის“ მფლობელობაში განთავსებულია გადასახადებისაგან, განსხვავებით ყულევის ტერმინალისაგან რომელიც ასევე „სოკარის“ მფლობელობაშია. აუცილებელია მუნიციპალიტეტის პირველმა პირებმა დააყენოს ეს საკითხი შესაბამის სტრუქტურებში. ფაქტია საკითხის დადებითად გადაწყვეტის შემთხვევაში მუნიციპალიტეტის ბიუჯეტს შემოსავლების საკუთარი წყარო ექნება. 2. საჯარო სამსახურში ყოველწლიურად ხელფასის 10%- იანი ზრდის საკითხზე, ვისაც დაბალი ხელფასი აქვს მათ ნაკლები ემატებათ, მათთან შედარებით ვისაც მაღალი ხელფასი აქვთ. ვფიქრობ, რომ ეს არასამართლიანია და საჭიროა ხელფასების ზრდის მექანიზმის დახვეწა, რომ უფრო სამართლიანი გახდეს. აღნიშნულის გათვალისწინება 2026 წლის სახელმწიფო ბიუჯეტში ვერ განხორციელდება, მაგრამ მისი გათვალისწინება 2027 წლის სახელმწიფო ბიუჯეტის კანონში შეიძლება. 3. ყოველწლიურად ვაყენებ საკითხს ქ.ლანჩხუთში საკანალიზაციო სისტემის საპროექტო დოკუმენტაციის მომზადების აუცილებლობის თაობაზე. იქნებ მოხერხდეს მიმდინარე წლის დეკემბრის ბოლომდე კორექტირებულ ადგილობრვ ბიუჯეტში აისახოს შესაბამისი დაფინანსება.

კომისიამ მიიღო გადაწყვეტილება: 1. „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტთან დაკავშირებით გამოითქვა შენიშვნები და საკითხი გადაეცა 2025 წლის 26 ნოემბრის საკრებულოს სხდომას განსახილველად.

სხდომის თავმჯდომარემ, გიორგი იმნაიშვილმა კენჭი უყარა განკარგულების პროექტს;

მომხრე: 9 წინააღმდეგი: არცერთი


2. სხვადასხვა.

დეპუტატმა ჯუმბერ ბლაგიძემ აღნიშნა, რომ სუფსის მცხოვრები მარინა გოგუაძე არის მძიმე, მწოლიარე ავადმყოფი, ყავს შ.შ.მ შვილი ქეთევან ჩხაიძე. ავადმყოფს მეთვალყურეობს მეზობელი ავთო მითაიშვილი. ავადმყოფს ესაჭიროება „მორფი“ აუცილებელია შესაბამისი სამედიცინო პერსონალის ადგილზე მისვლა.

დეპუტატმა ბესიკ კვაჭანტირაძემ აღნიშნა, რომ სასურველია მერის წარმომადგენლებს გამოეყოს საწვავი ყოველთვიურად ტრანსპორტით გადასაადგილებლად.

ამით კომისიამ მუშაობა დაასრულა.

საკრებულოს სივრცით-ტერიტორიული
დაგეგმარებისა და ინფრასტრუქტურის
კომისიის თავმჯდომარე:



/გიორგი იმნაიშვილი/

ლანჩხუთის მუნიციპალიტეტის საკრებულოს
სივრცით-ტერიტორიული დაგეგმარებისა და ინფრასტრუქტურის კომისია

2800 lanCxuTi, kostavas 37 0 494 22 30 19

ლანჩხუთის მუნიციპალიტეტის საკრებულოს სივრცით-ტერიტორიული
დაგეგმარებისა და ინფრასტრუქტურის კომისიის

სხდომის დასკვნა N7

ქ. ლანჩხუთი

20.11.2025 წ.

2025 წლის 20 ნოემბერს მოწვეული იქნა ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის სხდომა.

სხდომამ განიხილა დღის წესრიგით გათვალისწინებული საკითხი:


1. „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვის შესახებ.

დღის წესრიგის პირველ საკითხზე: 1. „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტი წარმოდგენილი სახით გადაეცეს საკრებულოს სხდომას განსახილველად.

ლანჩხუთის მუნიციპალიტეტის საკრებულოს

სივრცით-ტერიტორიული დაგეგმარებისა და




ინფრასტრუქტურის კომისიის თავმჯდომარე:



გიორგი იმნაშვილი

ლანჩხუთის მუნიციპალიტეტის საკრებულოს
სივრცით - ტერიტორიული დაგეგმარებისა და ინფრასტრუქტურის
კომისიის სარეგისტრაციო ფურცელი

20.11.2025 წელი
15:00 საათზე.

N	სახელი, გვარი	დაწყების დრო	ხელმოწერა
1.	სხდომის თავმჯდომარე გიორგი იმნაიშვილი	14-50	
2.	თენგიზ ურუშაძე	15-00	
3.	სპარტაკ კვაჭაძე	14-55	
4.	ელისო ჭიჭინაძე	14-55/50	
5.	ვარლამ ჩხარტიშვილი	15-00	
6.	ლოლიტა ურუშაძე	15-00	
7.	ზაზა წულაძე	15-00	
8.	გელა პატიშვილი	15-00	
9.	ბესიკ კვაჭანტირაძე	15-00	
10.	ჯუმბერ ბლაგიძე	15-00	
11.	თორნიკე მითაიშვილი	14-55/50 (სადაც)	
12.	გოგი მორჩილაძე	14-55/50	
13.	გიორგი ჩახვაძე	14-55/50	